

頤道堂詩外集

頤道堂詩外集卷四

錢塘 陳文述 退庵

古今體詩 題詠

穆天子宴瑤池圖

九重弱水環銀潢崑崙懸圃天中央玉樓十二閭風起青
琳宇接朱紫房連琳彩帳亘華闕明月四朗生輝光丹剛
林中白環樹千尋瑤幹聲琅琅遊戲芝田啄瑤草斑龍紫
磨青鳳皇龜山阿母太華髻天人收束矜端莊晨嬰之冠
鳳文舄雲飛裾襴襪袿長羽童扶蓋映華勝天仙秉節飄
霓裳左右玉女好顏色五銖衣薄神揚揚姬宗穆滿盛天
子循山絕水周遐荒鞭笞白儀駕赤苑馳驅八駿驕騰驤

羽珩曝蠹披典冊瑤華載乘窺縹緗璚珠玉果觀珩器伯
天河典陳輝煌西巡萬里不辭遠蹀躞翠水驂翱翔吉日
甲子用賓禮光碧宴啓瑤池觴雪藕千年列璀璨冰桃萬
歲羅芬芳擘蚪脯麟炙鴻鷺嶸山甜雪流霞漿嬰靈小部
奏法曲凌華拊石飛瓊簫衆中神姿最姣麗粲然玉窗郭
密香曲終宴罷幾人世弁山槐日悲星霜悠遠山陵白雲
白哀歌雨雪黃竹黃重璧臺空盛姬病春冰露滑壺輜涼
樂池南畔起仙豕承斗陳瑟聲悽愴仙山歲華亦易老重
來何日空茫茫蟠桃花落青鳥去蓬萊清淺悲滄桑

吳穀人祭酒寓齋銷夏分賦得陸晁開元避暑圖

碧澗離宮繞青山帳殿開松陰夾馳道荷氣上層臺層臺

暑無

南宋畫院待詔蕭照畫高宗瑞應圖

壽岳繁華歇焚樓燈火涼青衣悲北狩白水繼南陽詞識

先徵孟天心早眷康偏安同晉代索土兆錢王半壁江山

啓中原父老望射樓三矢中逐兔一鞭揚棋局黃羅卜追

師鐵騎忙馬蹄冰上蹟龍袞夢中裳六句皆南渡朝廷小

中興運會昌九重誇瑞應六幅寫禎祥贊缺曹公筆雲臺

渠隨筆見內府所藏宋高宗瑞應圖十二幅形摹院體

有曹助贊此僅六幅又無贊蓋另是一不全本

良樓臺工界畫人物竝精詳翰墨推蕭照淵源出李唐乃

蕭照所爲題名疑召易款署寺召易非蓋愛古記孫張孫

照師李唐題名疑召易待詔賜緋之半愛古記孫張退

谷銷夏記張青父偶爾披圖畫因之發慨慷建炎初肇造

國事正倉皇閫外呼宗澤朝端罷李綱格天臣有閣祝嘏

帝無疆馬角音塵斷龍沙雨雪荒雙環空有約半臂久俱
忘萬歲呼鸚鵡雙峯繞鳳凰諸陵畱汴水行在啓錢塘德
壽宮廷壯光堯歲月長起居垂拱殿燕息奉華堂白雁謠
終應黃龍恨莫償我家居浙水暇日訪餘杭古殿埋銅輦
秋花冷校場寒濤終白馬小劫息紅羊殘局收滄海遺編
讀夢梁畫師好身手不爲寫興亡

題沈石田楓橋餞別圖爲伊墨卿太守作

有序

明孔鏞字韶文長洲人宏治中守高州撫劇賊鄧
公長等事蹟具明史本傳嘗以報最過吳沈石田
寫楓橋餞別圖贈之爲吾鄉董蔗林相國所藏嘉
慶戊午墨卿以刑部郎出守惠州相國以是卷爲

賊某聚衆謀不軌太守初至廉得之密請兵軍門不應則率所部入賊巢縛其黨渠魁逸計獲之歸善以安未幾博羅賊某蠢動勢更張亟請兵制府復不應且禁太守不得捕而亂作乃歸獄太守劾戍軍臺惠民千百徧訴大吏不得達久之後制軍某以聞天子謂與今蜀廉訪劉清令蜀時料賊所至請防嘉陵江大吏不聽其事同乃免戍僅予罷官則事與孔高州微有不同者而料敵審機實心盡職無不同也令制府早從太守言不特惠民可免兵燹卽潢池之脅從亦不至盡膏鋒鏑蓋經

年累月艱難而後定而百姓之傷已多矣今年太守重來京師諸故人及粵人之官京師者爲納餞復原官酒間偶談舊事出是卷索題因序其事歸之

棲鴉流水秋蕭瑟霜楓紅冷停斜日一幅離亭餞別圖認
是前朝沈生筆妙筆畱傳二百秋圖中人識孔高州一麾
曾奏平戎績讀到新詩羨壯猷因緣翰墨無端合不異忠
誠異勛業披圖慷慨說羅陽燭花紅照芙蓉匣曾憶郎官
出守初燕臺風勁雪花纚荔支小譜閒摹蔡榕樹新詩疊
和蘇富春相業聲名盛伏戎早省南交病隱將保障比前
人玉題尺幅殷勤贈一幃親乘過五羊下車新政古循良

惡谿驅鯁唐韓愈合浦還珠漢孟嘗封狼臠肉潛邨郭早
將祕計施雄略玉帳牙旗大將壇渠魁卻待書生縛白馬
黃巾事不平花田珠海暗連營鬼車夜急妖狐嘯驛騎星
飛大請兵軍書繹絡馳辰酉當局何人惟袖手諸將猶頻
瓜鎮心健兒那得楊生肘華首臺高虎豹屯羽書火急始
催軍無端四百峯頭月長照經年鬱陣雲徒薪曲突何須
俟早聽借籌寧有此丑臣嫁禍更何心六臺畫角悲風起
已分投荒老玉門夢魂百結戀衰親九霄自有重輪日終
向沉幽燭覆盆赦書特下金雞詔免教冰雪經荒徼煌煌
天語比劉清循聲遠識眞同調宦海驚濤送逝波雪泥
鴻爪未消磨惠州爭及高州幸題到吳綾感倍多故山未

有停雲處隨風依舊爲霖去士女花前憶使君使君也憶
羅浮樹更話蘇齋設讌晨唐花紅膩畫屏春少年慘綠還
如故我是春明餞別人

戊午冬潭溪先生招集蘇齋
祀坡公兼餞墨卿余亦在座

題王石谷仙掌雲氣畫卷

白雲飛不斷縹緲最高峯秋色渺何處青山失幾重瀑橫
千尺雪練亞六朝松天地洗清曠歸來行雨龍

題仇英秋宮清課圖

桂宮蘭殿定如何絕代蛾眉永巷多銅輦夢回寒翠被珠
簾影靜背銀河鴛鴦自繡鍼神綫鸞鳳虛拋織女梭應識
月中人第一紫雲深處正笙歌

唐寅紈扇圖

捐棄尋常事君恩篋笥中團圞比明月蕭瑟任涼風小榭
翔歸燕空墀警候蟲從來秋女怨多半在深宮

題明蘇州太守況鍾象

吳郡推名守前明首況公人才科目外經濟簿書中荒冢
楊灣曲叢祠米巷東何年修古蹟此意後賢同閭門外楊
樹灣有公
衣冠墓郡署左西美巷大覺庵
公守郡日所修余擬爲建祠

題明文沈唐祝四先生像

丈夫既不能出塞萬里銘燕然又不能把鋤歸種南山田
仰屋著書復良苦不如託興翰墨航雲煙君不見前明吳
中之四賢生值孝宗皇帝昇平年功名寫意卽隱逸才望
冠世眞神仙解元遭際何迤邐作狂脫禍以自全石田矯

矯孤松妍青山吾素心棲禪待詔豈以丹青傳權相勢焰
殊可憐京兆解組歸林泉亦若泗州參軍居龍眠古今三
絕何者是前有顧愷後鄭虔四賢同時略先後出處各自
全其天百賢之像摹於錢停雲祕寶珍琅嬛龍山樵者情
翩翩神與四子相周旋桃花庵月坐臨雨弔古記昔尋荒
阡展圖我欲瓣香爇更寫放翁團扇坡公篇

題陳迦陵填詞圖

陽羨才人梁苑客湖海聲名動蠻貊已將文體匹徐庾更
遣詩名壓元白花月江山筆一枝金荃蘭畹譜烏絲寺樓
殘墨山僧護驛壁新題過客知玉關羌笛黃河上旗亭風
雪雙鬟唱銅琶鐵板學蘇辛酒邊按拍閒情蕩俠客琵琶

謝茂秦黨魁復壁冒巢民毫端別有滄桑在豈獨梅花爲
紫雲圖中風貌何人寫小紅擲笛尤妍冶袖角裙邊半姓
名新詞誰是如君者遲暮功名兩鬢秋依人王粲感登樓
天涯我亦青衫敝日者無人說馬周

徐山民待詔屬題楓江漁父圖漁父徐檢討鉉也

瀛洲重到鬢成絲歸臥楓江作釣師記向垂虹亭畔過滿
天楓葉夕陽時

青衫蕉萃感名場宦海中年更渺茫何日歸休學漁隱西
溪秋雪好漁莊

題畢弁山尙書遺像

下士應忘擁八騶畫圖渾似識荊州金甌未卜虛前席玉

節頻聞鎮上遊紀宦圖中周四嶽傳經門下各千秋騷壇
今日誰堪繼我憶西湖第一樓

珠履賓朋侍絳紗曾聞幕府麗情賒銀燈夜賦梁園雪玉
勒春遊杜曲花別館琴樽眞灑落後堂絲竹自豪華祇今
聯唱珍遺集名世詩篇入大家

老去雄心尙據鞍伏波橫海舊登壇書生裘帶輕羊祜宰
相風流說謝安鄂渚秋深荒戍老湘江水急浪花寒撤兵
一疏封疆計畱向名臣傳裏看

琅邪公子氣如雲貌得須麋若有神早歲科名卿月照暮
年勲業鬢霜新未能麟閣同諸將如此龍門有幾人惆悵
靈巖讀書處虛堂鶴步黯生塵

題法梧門西涯移竹圖四言二首

詩龕談詩如坐幽篁地鄰西涯人師東陽佳兒俊甥實當
蒼簣如誦淇澳如遊瀟湘

我思種梅君又移竹長毋相忘未能免俗此君勝花伊人
如玉譚詩靜夜明月自綠

和李茶陵西涯雜詠爲梧門祭酒作

小舸載春色一碧平於掌微風吹水紋鱗鱗皺漁網

海子

西山青不斷縣亘一千里空翠欲飛來忽墮白雲裏

西山

錯落千明珠奔流下如箭紅香幾點浮誰家落花片

響間

經聲隔疎竹旛影颺空堂齋鶴背花去風鈴語夕陽

慈恩寺

春流汨汨鳴石齒梳苔髮借問飲馬人何似長城窟

飲馬池

萬柳綠成陰東風吹作絮紅襟燕子來銜向誰家去

樓角帶斜漢疎星淡遠天一聲和月落燈火幾家眠

斜峯逗青影人在空翠間野田春水足人去桔槔閒

平疇方布罍風過稻花香馬上江南客停鞭憶故鄉

采采紅藕花棹歌聞煙渚日暮美人遠相思秋水深

鴉鉏斲春雪一畦紅甲肥短籬斜日淡黃蝶作團飛

隱隱玉清家珠宮擁絳霞階前雙白鶴閒啄碧桃花

周采巖爲雲臺中丞寫韋蘇州兵衛森畫戟燕寢凝

清香詩意敬題一首

畫戟畫靜香凝煙春風吹綠江南天手持玉節總文武圖

中丰采如神仙廣陵早歲森華望芍藥花開占宰相一賦

張衡早擅名簪毫直向蓬萊上國子堂開校石經九重天
上舊知名繙書禁殿分班入扈 闡灤河策騎行星使

東來敎齊魯更向武林敷化雨龍華山色浙江潮一樣春

風樂歌舞歸傍紅雲侍玉皇手編御集註琳瑯禁中論

將誰貔虎鏖院掄才有鳳皇三省用兵公請專任明亮已
未會試總裁得士二百餘人

多海內宿儒是帝念東南重良輔玉帳重臨命開府八
歲五星聯珠

百孤寒舊桃李三千組練新樓船左排圖史右鈐韜文讌

風流武讌豪花間瀟灑揮團扇座上傳觀賦寶刀琅嬛春

滿仙人地新詩圖寫蘇州意籌海經綸大將才詒經事業

名儒志入座彭宣我最親頻年橐筆侍平津乞將周昉丹

青筆畫出凌煙閣上人

題王述庵司寇三泖漁莊圖用雲臺司空原韻

我家漁舍西溪邊
簪笻重理知何年
泖湖春水碧于玉
片雲忽墮明窗前
昔侍先生列童冠
經舍書陳青玉案
一時籍湜在韓門
豈止李邕與王翰
先生華望冠東吳
大好漁莊入畫圖
七子騷壇繼蒲褐
一時品第重王盧
至尊激賞凌雲賦
未容老向漁莊住
鳳皇池近濯龍池
等閒拋卻綸竿去
西南微外下王師
滇海金江作墨池
露布草成還記事
凱歌賦就更題詩
每從玉帳秋風夜
便憶青山暮雨時
頭銜合署元眞子
樵青作伴漁童使
臣本煙波一釣徒
夢中一曲吳淞水
重來江漢采詩歌
屈宋蘭蓀此地多
兩晉遺音歸正始
三唐高格法元和
鏡中華髮人將老
重

理鷗盟向圓柳秋澗頻牽張翰莼春庭自種康成草不羨
金貂采藥人鈞天舊夢話絲綸杏花微雨桃花漲一尺鱸
魚二月春著書早踐還山約辛苦丹鉛兼述作千箱金石
百家書豈獨殘碑搜碧落祇有君恩未敢忘丹青圖畫凌
煙閣有客家鄰廿六湖笠檐簑袂託耕漁湖因賀監應名
賀谷爲愚公定號愚領取十年卿相後更寫桃弓射鴨圖
司空有珠
湖射鴨圖

題梅庵宮保臨榆望海圖

己未秋宮保以 留都司寇轉少宰挈眷入山海
關幕臨榆海天之勝爰往登覽至則騶駟雲集夫
人如亭主人率公子瑞元先在矣梁溪華吉厓冠

爲補此圖述因題焉

臨榆關外海波澄風捲迴瀾接杳冥十二金鰲迎劒珮一
雙玉女捧輜輶煙中秦樹三山碧望裏齊煙九點青金母
木公同小駐下方祇見彩雲停

雙鳳修翎下碧空
翺翺雛鳳羽毛豐
仙家眷屬劉樊好
名世文章瓊頰工
萬里乘風慕宗慤
十年作賦憶張融
分明玉樹凌雲出
遠映扶桑旭日紅

闌干凭到暮雲秋
如此登臨是壯遊
碣石荒宮橫渤海
盧龍絕塞擁高樓
於今海道東南控
更有河聲日夜流
奏到安瀾勞握算
金閨應復借前籌

展卷心香一瓣焚
詩篇霏玉字鉤銀
丹青小影摹瑤島
慧

業前生禮玉晨知已幸逢韓太尉學書須拜衛夫人江南

新刻簪花帖乞與烏絲寫雜神

吳門閻秀李晨蘭集古今女士書爲簪花閣帖屬求

如亭主人法書

題梅庵宮保吳淞籌海圖

吳淞流水清如玉晚潮東下魚龍伏倒影江南萬里天無
邊海色搖空綠列鎮鳴笳夜控弦三千犀甲靖樓船頗聞
楊僕稱名將尙有孫恩號水仙尙書節鉞承華閭牙旗開
府森天闕丹心如月照三江前籌更練綠邊卒今年小醜
聚如麠臺海烽煙接廈門天上將軍來五道依然釜底竄
遊魂帆檣萬里通吳會島嶼如煙隔青靄花鳥雲連赤馬
驕銀濤不在提封外江上風清上將壇弓刀小隊海雲寒

掌中自有撿渠策眼底鯨鯢一笑看伏波下瀨橫戈起瘴
雲夜靜蛟宮水籌邊西北有高樓功名不數文饒李憶昔
琅嬛侍絳紗交南巨艦擁風沙凝香畫戟談兵夜官鼓聲
停翦燭花烏鰲趨健紅蓬疾聚米圖成錦囊密神風盪寇
鑒丹誠鈴韜亦自公門出頻年河患警宣防瓠子歌成浪
正在手挽滄溟教北徙獨持全局奠淮黃籌筆心勞竭忠
盡安瀾奏績軍威振想見高臺遠眺時數莖華髮添雙鬢
青虹流影燭天吳帷幄風流見畫圖倘許長纓從玉節爲
公鮫穴縛羣奴

題尹文端公偕袁簡齋遊棲霞圖同家曼生作卽用

原韻

圖作於乾隆戊寅十月卷中有文端公及袁簡齋
盧雅雨都轉沈歸愚彭芝亭錢香樹三尙書李鶴
峯侍郎王穀原中翰諸人詩及簡齋二跋圖本爲
似邨公子所藏後以貽顏小坡輾轉流傳今復爲
慶蕉園方伯所得出以見示與家曼各用原韻題
之作畫者或云王二癡或云黃正川簡齋目擊其
揮毫灑墨今亦莫定其主名更可慨已

楚弓趙璧真奇絕一角棲霞卷裏山雙闕西橫終古秀大
江東去幾時還丹墀月上蒼松臥翠壁年深碧蘚斑紫閣
丹崖好圖畫何須天上勝人間

結伴緣知足力勝六朝泉石六朝僧樹中紅樹明千點山

外青山澹幾層畫境百年名手擅騷壇七子古人能輞川
別墅茱萸泚不向藍田數右丞

名山駐 蹕望無窮萬壑千巖接紫宮玉殿虛無星拱北
黃河浩蕩水朝東陪京謁 廟風雲感恆嶽祈年雨露通
何日南巡邀 乙覽萬花深擁翠華紅

皖江去後袁江住詩境吾同宦味嘗侍膳最憐吳苑好懷
歸空望楚天長尙書愛士原無比方伯憐才詎可忘他日
三江持玉節願陪杖履踏斜陽

同作

陳鴻壽

訪舊曾題一品集披圖今見六朝山竹陰啼鳥自來去
天末浮雲時往還斷瀑此中琴韻古殘碑何處篆痕斑

憐才聞說當年事，畱得詩人屢萬間。

紅藤導客力堪勝，春雨庵前問老僧。古宅開來大千界，
遠山看到第三層。詩壇元白都相和，畫本倪黃孰擅能。
山水清音勝絲竹，琵琶不數鄭中丞。

疊嶂層巖望不窮，離宮高下接琳宮。當窗屏幃三山
北，捲幔風濤二水東。松偃蒼龍雲欲臥，泉迴白鹿脈原
通。秋霜也有春風意，添寫楓林幾樹紅。

題詩別有蒼茫意，世味深同宦味嘗。絳帳淵源三世遠，

先祖以己未鴻博入詞館受業文端公之門玉堂科目百年長。
先祖與簡齋先生同舉大

科偶符覽揆心先異，圖作於乾隆戊寅重過恩門事敢

忘。欲向江南畱掌故，丹青重仿郭河陽。

題蕉園方伯泛月理琴小照

渺然仙意水雲秋。珠桂冰弦韻欲流。三弄梅花自東閣，一天明月又南樓。何人妙寫無聲畫，此舫原名不繫舟。滄海波恬樓艦靜，十年前已領方州。

韋平世業重朝端。王謝風流不可攀。壓卷文章一品集，

卷中

名作

林立舊家湯沐六朝山。

文端公四督江南

秋生珠樹銀河外，心在

瓊樓玉宇間。十二紅橋兩隄柳，畫船記取月中還。

應許魚龍出水聽。朗然心蹟玉壺清。青天碧海新圖畫，流水高山古性情。賀若一囊人共珩，柳公雙璫舊知名。餘音尚有鯨人憶，銷盡鯨波是此聲。

後堂絲竹幾回聞。一瓣心香竟許分。知己幸逢韓太尉，清

談人愛謝將軍江南赤子懷冬日海上青山隔暮雲三世
三朝領綸閣元音他日和南薰

瀟湘水雲曲題蕉園方伯鼓琴第一圖

秋花含煙復含雨秋陰滿堂秋雁語洞庭霜老青楓林落
葉如鴉渺煙浦清流見底瀟湘深冰弦一一瀟湘音含輝
拂素一千里微波瑟瑟瀟湘水水煙欲起橫秋雲遙天一
抹瀟湘雲雲中彷彿遲湘君揚袂結佩招靈均水動雲飛
渺然去一片秋心託豪素湘花娟娟幽蘭馨月明何處君
山青如黛青山雲際出朱絃更鼓湘靈瑟

梧葉舞秋風曲題蕉園方伯鼓琴第二圖

長安七月秋河明江南八月秋風生秋風乍起拂庭樹竟

夕瀟瀟作雨聲井上雙桐陰百尺露下玉階涼影碧一夜
涼風捲葉飛天涯秋思生遙夕碧雲日暮青天徘徊素月
欲上佳人未來畫意琴心偶然遇誰譜絲桐託豪素湘水
秋生楚客吟蘇臺葉落吳宮樹吳宮花草嬌黃昏西施自
戀吳王恩五湖煙水久寂寞梧桐葉落還依根樹根不化
吳宮土彷彿寒鴉急秋雨落葉飄蕭似落花迴風尙學西
施舞西施舞罷酣玉卮秋風寒入冰絃絲夜月莫窺烏鵲
樹春風還發鳳皇枝

題益齋廉訪看劍引杯圖

畫中丰采見卿雲家世韋平有替人當代風流謝安石中
朝名德李棲筠蓮花鰕斂波濤靖蕉葉香濃雨露新最是

政成多暇日大江南北共陽春

高情天半接朱霞瀟灑閒情亦大家江上吟秋唐李白斗
間識氣晉張華春星帶樹窺斜月暗水浮香送落花省識
杜陵詩意好更繙細帙檢紅牙

瓊花雙影照吳鉤富貴神仙第一流自有聲華齊北海偶

然風月坐南樓三升醇酒周公瑾一品宮衣李鄴侯我識

柳公雙璫意煙波乘月泛扁舟

慶蕉閣方伯有泛月理琴小照公於方伯最篤寅恭

之證

故云

燕寢香凝畫戟橫披圖彷彿見生平碧雞金馬王褒路沅
芷湘蘭宋玉情一代龍門無俗駕三重馬帳有歌聲後堂
倘許聞絲竹更晉延年酒一觥

又題第二圖

第一圖成後題詩識衛公一尊名士酒雙劍美人虹玉軸
千函碧珠燈四壁紅草堂詩境裏彷彿杜陵翁

澹泊真儒者和平古大臣更將心上意寫此景中人銛鐸
三江靖醇醪萬戶春清門瞻世德應是范純仁

聞道征苗日曾參上將謀談兵春試馬犒士夜椎牛月色
千峯靜笳聲萬帳秋畫師好身手何不寫封侯

隨牒江城住於今已七年檇材甘廢久薇省受恩偏卿月
原同照台星況共躔還期買絲繡元禮是名賢

薇省謂方伯蕉園先

生

題李墨莊中翰滄海歸槎圖

仙槎縹緲凌空虛神燈照海羣靈趨白雲如花護龍節君
行奉使歸來乎憶昨南中送君去雙魚夾浪安然渡題詩
託寄織綃人金雞啼老扶桑樹海東藩服渴刺兕蜿蜒形
勢同流虬金簪紫帕迓玉冊海風吹暖前旌旂使臣敬愼
稱使職宣導皇仁敷屬國三十六島春和融不但山南與
山北徧採輜軒續舊編禮成七宴早言旋歸裝不載奇珍
去畱得清名比瑞泉雲帆浩蕩風雲會驅盡修鯢走靈怪
梅洋葉壁記重經雲山一笑中華外西望銀河赤岸通漢
家博望詎能同迴看一髮青天遠知是中山第幾峯

陶節母寒燈課子圖爲香泉明經

本忠作

吾浙汪大令

輝祖

家有雙節堂二母貞苦節綽楔森輝光吾

友袁上舍

延壽

家有竹柏樓母節表江左古井寒不流節母

今陶嬰青年悲黃鵠皎皎一片心如冰復如玉族郇議大
歸焉知母心苦大書一陶字此事足千古中夜課螟蛉楹
書出口授北風吹庭樹老屋寒燈瘦墨痕母眼淚藥丸母
心血嗟嗟節母心長使孤兒泣子書讀已富子名亦已成
所願更努力上繼韓歐名五柳陶家樹圖中有深意吾言
節母居宜署陶樓字

桂林篇題桂林省親圖爲沈霍山孝廉

學寬作

團團桂之樹鬱鬱自成林桂林在何所乃在灘江潯灘江
清且長桂樹鬱以森迢迢嶺表路停雲戀遙岑吾友霍山
子至行鳳所欽泝昔垂髫年驪足初駸駸老親遠行適客

遊嗟滯淫慈烏東西飛闔闔浮雲深春來復秋去陟岵悲
難任揚舫渡瀟湘停驂問虔柳睽違十六載一見慘若暗
喜極轉生痛老淚被涔涔鄰里紛來觀歡歎不可禁中有
辭家客背人涕盈襟膝下幾何日桂枝漸以慘計吏復相
迫脂牽厲嶽峯豈知春暉別已覺空霜侵白日忽西匿皋
魚生悲吟五嶺山高高雙江波沉沉鬱林瘴漫漫蒼梧雲
陰陰桂華有寒色桂樹無冬心試讀桂林篇中有蓼莪音
題徐稼庭司馬華萼圖

百年身世感茫茫
倚與丹青寫斷腸
盡裏分明好風景
謝家春草在池塘

玉樹無端折一枝
重題往事淚如絲
世間儘有燃萁歎
此

是常華第五詩

君家猶子已成行我弟遺雛口尙黃滿地繁霜一繩雁夜

燈秋雨哭紅棠

哀壽蘇也

孫訥夫太守雪城轉餽圖

乾隆五十三年廓爾喀與西藏構釁四川將軍鄂
輝西征太守方左遷成都通判從大軍轉餉抵第
里喂古奉母諱請奔喪不許墨綬從事病卒於軍
將軍以聞給復原銜令嗣子瀟吉士乞詩

君不見伊犁道遠山巉嶮馬蹄滑達走冰棧又不見衛藏
境險途縱橫車輪摧折經雪城雪城何高高乃在丹達山
西望甲貢東瓦合六月積雪生嚴寒山勢連天盡西向過

此纔能近前藏盤盤高欲連青天雪城更在青天上將軍
奉 詔西征來太守轉饒軍書催萬夫飛輓氣瑟縮到此
顏色如死灰西行更須幾千里不到河源行不止雪花飛
舞白日中瘦馬疲牛凍都死死不葬金微道生不入玉門
關男兒作健走絕域從軍那復思生還伊人大節在忠孝
披圖重爲悲荒徼山麓舊有參軍祠神鴉肅肅翻靈旗丹達
山有神祠相傳康熙時雲南某參軍
解餉過此死焉屢著神異土人祀之

吳石雲侍御屬題筠清消暑小影

秋意蓬瀛外檀欒竹一林與君同直節比我更虛心碁局
陰初合闌干望轉深瀟瀟微雨過清絕石牀琴

季子東南彥亭亭箭有筠瀟湘楚詞客淇澳衛詩人大好

軒窗朗兼之筆硯親還因籌海切封事幾番凍

再題詠梅圖爲石雲作

我家乃在北山之北西溪之西老梅萬樹繞茆屋花開雪
壓柴門低君家說仿羅浮住草堂亦在花深處明月高懸
四百峯春風吹暖三千樹此花標格難爲詩美人天遠空
相思君詩如花得花意幾生修到花應知憐我生平抱花
癖銅蓬催人賦香雪詩成燒燭問梅花一笑廣平心似鐵
題錢東生西窗話雨圖卽送歸錢塘

春風移花開秋天雁行續人生宇宙間難得惟手足君家
好兄弟一一美如玉中年苦飢驅風塵四方逐阿兄出關
塞短衣事結束射雕青海頭躍馬天山麓弱弟方年少從

軍走滇蜀墨花澀寶刀戰血繡金鏃君亦遊八閩樓船輕
萬斛歸來作冷官春盤飽苜蓿屈指一星終良會杳難復
今年射策來春明柳條綠兄方作郎官弟亦將司牧晨夕
欣聚首快此天倫樂玉溪詩意好不厭百回讀聽雨宜小
樓賞雨愛茆屋何如樂情話寒聲銷短燭暫聚還復散又
挂蒲帆幅寫此一尺圖銷魂到僮僕池塘春草心因君更
振觸題詩寄阿連刻向西窗竹

題錢叔美騎象圖

眼前兀立驚崔嵬仰天長鼻噴殷雷鬚煙萬里走蹴踏盡
中錢郎騎象來雙瞳翦水須麋肖白描畫筆嗟神妙簾波
窄地空堂陰展卷從容說年少王師前年征狎苗短衣

匹馬從嫖姚秦關蜀棧盡經歷平沙萬幕風蕭蕭昆明池
水通瀾滄縣亘緬甸走夜郎層碣插天石砦密蠻奴驅象
如驅羊當時意氣真豪放盤跼戲學阿難相四足惟聞風
雨聲一身已在雲霄上雪花漫漫邊風寒醉眠赤罽安如
山健兒快馬走不及錦衣獠女簪花看帝城雲樹森雙
闕象坊近隸金吾卒立仗龍樓侍早朝玲瓏曉踏天街月
鳳城楊柳碧絲絲又是京師浴象時一枕封侯感秋夢玉
河流水空相思驃騎營空壯士哀風塵容易老奇才一犁
春雨西溪上與爾騎牛歸去來

題叔美洞庭春夢圖

孤雁墮遙渚九疑橫暮煙雨聲昏似夢湖水遠於天綠鬢

銷今夕青琴感昔年片帆成獨載閒煞木蘭船

家恭甫太史

壽祺

主講詒經精舍並爲雲臺中丞校

勘經郭作此奉贈並題西湖講舍校經圖

羣經炳日星不以古今異漢學重專門淵源各有自說文
別形聲賡注析文字辟若陟崇巔躡足始平地宋儒說理
學志在闡精義未博先守約往往致茫昧典禮及名物穿
鑿出私意道學生門戶語錄蹈習氣前明三百年亦尙沿
此弊 國朝盛經術先路導閭百惠定西河與竹垞浙學
未醇粹胡明宗萬充最精覈全謝杭堇浦亦闕肆所嗟百年來
甘作芻狗棄吾師起淮海雲臺中丞碩學俯一世石經勘點畫
憲憲理經緯桓桓通德門曾訪高密裔視學來武林言始

乙卯歲下車志復古再三示勸勵書規鹿洞頒經席虎觀
繼浙士始向學隻手起衰墜三年化雨深良材出栽植還

朝旋開府士林悉延企西泠闢精舍樓觀鬱楣樞許鄭

古經師後儒賴津逮前榮奉栗主春秋執筭祭幸舍居生

徒庖廩咸位置三十又二人人材此拔萃皋比三獨坐

與王蘭泉司寇孫淵課程月有計一編海內傳已洩天人

祕太史吾宗彥禮樂蘊深邃已科盛才俊如君尤國器偶

來主講席書堂萬松翠經鄒羅衆說盛業古無二昕夕黃

墨勞湖風襲衣袂畫師好手筆湖山寫佳麗鄙人在琅嬛

絳帷執經肆自媿蒲柳姿乃荷昌歆嗜此地始初造規畫

參末議一從來京華遠隔談經地我去君始來聞名未相

值卽今圖中景一一恰能記同舍騁逸足青雲致身易聲
名達天聽此足感遭際努力崇令名勿爲師門戾矧茲
千秋業原不在科第走也慨匏落風塵行作吏

題朱素人東遊畫冊

登高攬元氣遠翠接空碧木葉下秋雨獨坐補天石

北嶺吟秋

東丹有故宮書堂羅萬軸讀罷捲疎簾海氣半天綠

東堂望海

令威化鶴去千載還歸來城郭亦非舊華表山花開

仙莊招鶴

鏡泊淨於鏡中有雙鯉魚故人不可見思寄尺素書

鏡泊觀魚

精誠動天地一哭崩萬杵千年怨不銷題詩弔姜女

姜廟題詩

寂寞蕭家事青山閱歲年薜蘿沒殘礎何處覓遺軀

蕭臺拾翠

杏山接松山山色萬松綠莽莽古戰場下馬拾殘鱗

松山策騎

湛湛松花江碧玉浸秋淀寒鴉作陣飛停艫看採硯

雲重低鴻雁燈明飯駱駝誰知今夜雨人在白狼河

旅夢三千里砧聲十萬家鳳皇城畔月有客憶京華

飲馬灤河水不數長城窟我馬飲其源前年秋八月

孤影盤空沒青天隔塞雲十年好身手休問李將軍

唐宗駐兵地天威懾九部時有陣雲生秋風吹作雨

蔓草埋殘址斜陽冷斷垣金蓮川上路遺事說金源

一水橫中外東流走急瀧晚霞紅不斷遠過混同江

巍巍長白山千盤元氣結仙人走不到上有太古雪

題朱閑泉畫舫齋圖三首

閑泉名父子翩翩美才藻一卷斜川集冲澹入微渺餘事

花江待渡

狼河夜雨

鳳城秋霽

灤河飲馬

橫甸射雕

唐堡譚兵

金宮弔古

綠江晚渡

白山秋雪

作畫師豪素寫襟抱蕭齋坐微雨寸心周八表與酣潑墨
汁異境出天造贈我瀟湘圖秋煙澹林杪素壁供臥遊仙
夢接雲杳迺知才人筆定比作家好

吾鄉山水佳煙波宜泛宅菰蒲萋櫓聲坐對晚山碧不然
置水榭臨流岸高幘琴樽各有宜筆硯隨所適四圍好煙
鬟明妝寫婉孌可以慰風雨兼之永朝夕此願幾生償飢
驅感行役羨君得我心誅茆北山北夜雪行訪君扁舟弄
漁笛

四載隔音塵秋水思蒹葭君今來長安握手天之涯譚深
惜日短逝水嗟春華回首憶初別山堂正梅花久客百無
成缺折成莫邪風雪踏天街老眼眯塵沙飛羨成行雁哺

慚投林鴉柴門閉風雪行子思還家

王子卿以圓照寺古梅花下懷黃左田寫爲圖爲題

五絕兼寄默齋騎尉

小雪清霜日暮天一株花臥碧湖煙落英飛滿談詩處回首曾廬四十年

禁中才子知名久朶殿簪毫幾歲華昨向城南見黃九果然風格似梅花

一樣冰柯託素襟春風都種玉堂陰和羹亦是尋常事莫負生平作賦心

歲寒松柏願爲鄰似爾交情覺可親舊夢軒中舊月隔簾仍照憶花人

更憶吾家雲騎尉百年締紵結清歡年來大有相思地一
夜春潮海上寒

默齋與兩
君交最深

錢小謝春明策馬圖

玉河楊柳已吹絲繡燈珊鞭蹀躞便最好東華門外路落
花紅到馬蹄前

錢小謝憶秋圖

長簾空牀黯不收夜深新雁過南樓祇應別有傷心處不
賦悲秋賦憶秋

幢幢燈影送黃昏落葉如鴉起暗塵幕卷簾垂香欲燼那
堪愁煞獨眠人

騷人哀怨美人心真覺瀟湘水不深一曲孤鸞彈不得暗

風吹雨溼青琴

小隊驂鸞去若仙紅塵那得再生緣月華如雪瑤臺夜憶
到人間倍惘然

題林嘯雲江上觀潮小影

畫中白髮漸飄蕭落日青山酒一瓢曾是臨榆觀海客又
從江上酌秋潮

吳山不讓越山青赤岸浮天海氣腥欲起枚乘徵七發廣

陵新起曲江亭

枚乘七發之廣陵自在今揚州觀文
中形容可見若錢塘之潮則更鉅矣

青天莽莽海門開白鷺飛翔萬馬迴忽忽夢回十年事月
明海上聽潮來

導河辛苦挽狂瀾一夜沙痕漲八灘曾向雲梯關下住碧

雲無際晚潮寒

茫茫元氣眼中收
高處真如百尺樓
木石吳兒歌小海
滿天風雨一身秋

畫戟香凝日暮雲
隔江煙樹暗西津
癡舟夢遠天如水
同是琅嬛刻燭人

題盧湘槎歸漁圖

宦海十年老飄然
君竟歸鱸魚閒託興
鷗鳥共忘機招隱
新知在封侯舊夢非
五湖好煙水香雪滿
蓑衣

畫手今誰好邗江憶玉魚

圖爲錢玉魚所繪

爲君團扇上寫出武

陵漁我亦思歸去西溪有舊廬
何年謝簪笏秋雪一竿疎

題屠琴鳴小檀樂室讀書圖

落落清平山杳杳檀欒室城近堞帶江樸古陰蔽日中有
素心人篤志厲名實史才摹扶風經學宗高密高挹韓柳
體麗奪徐庾筆博辨矜雕龍雄談傲捫蝨畫粥旣懷范燬
半亦師泌或爲抱樸處或爲干祿出出者爲貢禹處者爲
趙壹尙友各千古成名不一律嗟我同里閭亦頗航作述
遠媿山王削近慕應劉蹟一從塵鞅羈久已性靈室倘許
十年讀更期諸子睚獨立世所希曠代才誰逸各寶一卷
書樊南評甲乙回首好林巒長吟閒抱膝

嘉定金堅齋索題臥遊圖者三年矣久而未報介張
君吟樓貽書相促雨窗無事走筆作長歌報之

人生不能萬言草奏丹墀前便當把鋤歸種南山田不然

行萬里路登五嶽古今憑弔三千年吾生岳遊有其一日
觀峯頭觀日出北遊遠過青石梁烏爍入海雲茫茫罡風
吹我墮江左宦海飄零無一可山平水遠等閒耳鬱鬱胸
懷嗟坎壈堅齋示我好圖畫水動雲飛走靈怪臥遊欲學
宗少文撫絃響動青山雲雲中黃鶴杳然去畫之所遊夢
同趣貽書索我一首詩三年未報難爲辭我詩草草亦何
好感君意氣獨傾倒我所思今在秦蜀太華削成雲棧曲
衡岳九面瞻湘深哀怨騷人美如玉屬君更爲圖此幅便
約張侯借畫看聽雨釀花

堅齋館名同剪燭

題郭頻伽神廬圖

頻伽示我神廬圖圖中池館樓臺俱有花有竹有槐榆宜

耕宜釣宜讀書神興尻馬隨所如渺然相忘于江湖嗟我
涉世僻且迂名場宦海相馳驅故鄉老屋依菰蒲那有甲
觀城南隅故人布被公孫徒營營青蠅耳所需辛楣蕙楊
本子虛竟以苴蕙爲明珠恩怨抵死分鎔銖張老善頌毋
乃諛展卷太息還胡盧慢藏誨盜其然乎屬君弗更圖神
廬同里某中丞見余印章語謂家有名
園幾爲所陷其實玉川破屋數間耳

題頻伽靈芬館圖

拂筴焚香誦卜居才人辛苦記神廬翦松高閣何年就從
爾吹笙讀道書

影鶴橋連語鴨亭風泉松籟雜泠泠衷中一卷朝天集獨
翦秋燈悟性靈

頤道堂詩外集卷四

三

蘇家兄弟才名竝閉戶焚香季子賢風雪柴門一尊酒有
人相對讀斜川

本事詩成賦感甄鏡湖曾訪苧蘿春紅闌干外鷗波綠水
閣塗妝定有人

草堂不讓浣花溪第五圖成海內題何處石橋傍溪轉梅
花萬樹水邨西

我亦西溪有舊廬蒼茫煙水接菰蘆昨從雪夢庵前過乞
寫漁莊第二圖

題頻伽春山埋玉圖

西泠橋畔路三叉春草紅心水一涯此是佳人埋玉地招
魂祇種白梅花

香泥寂寞葬羅襪白蝶飛花散暮雲更與西湖增故事春
山一角女郎墳

紫玉成煙一夢中碧雲無際楚天空才人別有傷心處自
翦春燈哭落紅

五更風雨葬西施我亦當初折一枝惆悵藤蕪山下路澹
雲微雨水仙祠

番禺黎楷屏得飛瀑十三疊於羅浮後山將卜居焉
作良泉圖爲題七古一首

粵嶽山人粵中客老住羅浮山下宅更從山背得奇境重
疊飛泉縈白石清泉從何來山後百折蒼屏開遊人屐齒
昔未至太古積翠生莓苔遊龍澗邊趺霞處玉雪橫遮萬

梅樹葛仙鮑姑昔偕隱采藥誰知舊行路粵中山水天下
奇花首臺上仙風吹名泉七十峯四百身所未遊夢見之
篁碧楓丹山徑輿此地夢遊吾未到移家君更入雲深不
遣蘇門落清嘯鄱陽君早遲歸舟宦海我尙浮山浮何年
丹砂乞勾漏便當青鞵布韞從君遊

倉山月話圖爲袁公子蘭邨作

生平未作隨園客夢繞小倉山下宅一卷新披雅集圖舊
時明月曾相識山人當日賦歸田手補笙詩第幾篇一代
高名與清福高宗皇帝太平年後來華望尊山斗東南
壇坫應無偶十三弟子麗人行八百孤寒名士酒明月窺
人照畫樓一時褰展總風流幔亭高會羣仙散迴首人間

六十秋公子清才映秋水詞壇不媿名家子梁園賓客快
重逢一樽話舊悲歌起月華如水夜迢迢山影如煙翠欲
消尙有聲華齊北地各將風味領南朝林鴉拍拍遲歸翼
長歌耿耿填胸臆花外山成感舊詩酒邊月作銷魂色水
榭風亭尺幅中徵君畫筆學王蒙永和三月蘭亭序駢體
文推農部工農部詩才更豪逸李杜齊名媿非匹婁東家
法問誰傳淵源亦自山人出翦燭天涯索我題黃河水落
暮潮西披圖忽憶秦關客玉女峯頭片月低吾家雅集圖
新作樓外銀河斜絡角浮生聚散感萍蹤溝水浮雲同落
拓多少才人絕妙詞爲君惆悵寫烏絲古來聚散成權悵
惟有青天明月知

袁浦題百尺樓雅集圖

于役河上以送梅庵宮保遠行小畱十日同人若
王仲瞿龔素山孫漁樽袁蘭邨眞來兄弟家竹士
舍弟謙谷皆在袁江時查丙塘朱閑泉寓家元龍
先生洞庭宇幽曠樹木陰翳同人晨夕聚飲劇談
忘羈旅之苦而吳山尊學士方以乞養告歸扁舟
南下家曼亦自紀障來咸會於此因作百尺樓雅
集圖各系以詩

玉帶河邊秋水生碧霞宮畔暮帆停天涯朋舊成高會良
夜江湖聚客星行役幾番歌雪柳故交容易感雲萍今宵
拚卻如泥醉祇合青銅付玉瓶

學士才名重絳紗近因將母乞還家但吟潘岳閒居賦不
上張騫奉使槎卻扇圖成人似玉鈞天夢醒鬢初華酒邊
閒話長安事落葉蕭蕭起暮鴉

散雪搏沙豈自由與君眞箇似曹劉名場冲舉兩黃鵠宦
海浮沉雙白鷗紅粉夢殘金谷酒青山人遠玉關秋諸君
記取題襟處此是吾家百尺樓

諸君蹤蹟問何如半已彈冠半索居此地眞應號人海當
年我亦志河渠碧梧影澹銀河闊紅蓼花殘夜雨疎愁絕
來朝各分手夢回涼月夜窗虛

贈同年凌泊齋

鳴喈

兵部卽題其馬政疏盤溪歸釣

圖二首

國事非徒馬當官盡所言自知千吏議畢竟荷 君恩名
實求邦本清忠見道存吾曾議海運翦燭待君論
茫茫人海裏羨爾白鷗飛歸去盤溪上煙波好釣磯蘋花
秋後老菰葉雨中肥我憶南湖棹何年許息機

題墨卿秋水園圖並寄錢叔美

有田不歸如江水昔聞坡公爲此言買田陽羨不易得何
況秋水繞屋山抱垣記得當年別君處盍簪東閣開酒尊
聞君請急戴星去泝江西上悲啼猿汀州香草拾不得碧
雲日暮懷蟬媛昨聞君自故山山西冷小住舉白蘋胥江
門外一相見往事回首如浮雲今朝倚棹白祠下綠樹如
幄秋陰繁白鷺窺人蟬噪客卷中示我秋水園園亭抱山

山抱水微波。晷晷吹沍沍。開門惟見竹。陰合倚枕祇聽松。
壽暄湛湛清華寫。若雪娟娟明瑟窺。湘沅梅花老屋書。萬
卷仰承先志貽。後昆更有雙鶴我。舊識彷彿清唳思。高齋
君昔一麾度。嶺嶠先幾料。事儲刀韃節。度白樹牛李黨。

至尊終雪甘。陳寃重來河上事。籌策折坂叱馭如王尊。廣
陵經歲有遺愛。堰湖築埭勞駟騶。著書百卷述祖德。杜門
六載懷君恩。清泉在山蘊玉璞。閒雲出岫同風旛。名園
妙繪有深意。南華妙悟難具論。年來我亦泛宦海。青蠅止
棘祇觸藩。漁莊秋雪好煙水。對此能不思邱樊。願君宦轍
繼白傅。蘇杭領郡乘朱旛。歸時秋水照顏色。莫遣疎鬢添
霜痕。題詩爲君誌息壤。微吟獨坐青松根。歸來作書寄錢

七草堂爲我圖花源

贈何書田茂才

其能

卽題北簞山居

迢迢北簞山綠篠媚煙靄影落三柳中翠標九峯外主人
大小山卜居近百載飽喫菰米飯細斫鱸魚膾通明本草
精思逸禁方最甘谷成一邨桃源經幾輩君父頗任俠結
交徧吳會榻每下周璆巾或墊郭泰君尤嗜文藻詩亦雲
間派往者陳黃門忠義被金薤遺文出灰燼精氣發光怪
亦有夏內史英年破天械一卷玉樊集天漿斟沆瀣菟帽
兼剗剗執林此稱快想見校錄初篋管發幽籟昨者遠寄
我書煩平子介謂吟樓易我碧城詩葢爾陋曹鄒少作吾頗
悔行將事澄汰譬若訪泉石繁林刪翳薈李杜與韓蘇各

有華嚴界衆水會溟渤羣山拱衡岱此中消息微思君證
三昧憶昨過青溪峯峯染寒黛茲山煙暖中蒼翠不可畫
林壑靜且閒此中有人在行當訪草堂刻竹誌良會

頤道堂詩外集卷四

頤道堂詩外集卷五

古今體詩 題詠

題倉蓮莊司馬

斯升習馬圖

長安八月西風起雁聲墮地秋如水少年意氣殊豪雄眼
底風沙萬餘里牽來匹馬矯若神伯樂一顧應空羣人是
猿臂馬駿骨各有逸氣凌秋雲矯首長嘶似相識蹴踏風
塵耍嫺習將乘未乘意飛動拳髮奚奴馬前立問君習馬
將何之趨曹逐隊心不怡西陟河源北瀚海世間自有真
男兒憶我前年渡灤去馬蹄踏徧金河路雪滿陰山夜射
雕鞭絲折斷龍城樹腰間寂寞雙吳鉤數奇李廣難封侯

中年憔悴感脾肉眼前日對黃河秋江湖浩蕩青天月羨
君盛年正英發淮陰城頭薺築吹閒話關山氣飛越金臺
落葉愁紛紛幽州白日搖風輪閉門止酒草封事更憶春
明惜馬人

張船山侍郎
有惜馬圖

蔡浣霞煙雨倚樓圖

春水吳帆過鶴洲登臨曾記泊孤舟江山跌宕容吾輩煙
雨空濛到此樓橫簾靜聞漁唱遠隔花微覺橈聲柔人生
祇合呼漁隱何日從君狎白鷗

題犀泉江樓待月圖卽和其自題煙江疊嶂圖韻

暮色欲起樓外山西風一掬金陵煙騎鯨仙人去已久青
天星斗仍依然都門昨與王子別筠館酌酒如流泉謂我

詩境太白似興酣潑墨圖山川云我東上合經此一拳采
石橫花前豈知兩度俱未過佳遊暫阻寧非天君行登此
定何日長松落落山花妍碧雲日暮晚霞媚澹江萬頃疏
璫田漁舟長蘆隔煙出宮袍寂寞今幾年愁心千疊寫不
盡坐待素月如嬋娟那識我亦相憶苦蝙蝠驚起僧樓眠
意中有約踐不得勞君念我吟遊仙江山風月肯相待重
來應證三生緣魚書昨夜故鄉去故人三五應已誦子江
行篇

原作

高日濬 犀泉

碧雲日暮遲青山山樓尺幅橫蒼煙煙中片帆峭不得
樓頭雲影同悠然蕭郎畫壁太白夢爐峯月觀湘煙囀

雪一一噴飛泉想當風雨晦明候江聲直欲翻鯨川老
僧導我入樓去歸雲正好橫窗前此時深坐悄無語相
思昨夜飛遙天碧城訪到亦入境闌干尙隔芙蓉妍涼
蟬小語白榆頂參差碎玉鋪瓊田風流雲散星斗動耳
邊高唱開元年一九忽復墮何處但覺寒碧度嶺飄娟
娟燃犀渚上水鶴叫蛾眉亭外羣松眠蒼茫獨立寫圖
意要從平地位置家居仙轉愁畫筆不能到天人夢醒
同因緣山樓待我我待月清光跳盪倘亦助我凌虛篇

題犀泉江上數峯青圖

江流東下晚潮西寒瑟聲停舊夢迷一片玉情瑤怨外九
疑如黛暮天低

畫屏三十六芙蓉江鏡嬋娟第幾重
過盡瀟湘秋雁影青天閒煞美人峯

蕭蕭斑竹凝紅淚黯黯蒼梧隱碧雲
七十二峯秋月白夜深何處弔湘君

亭亭鬟影應無奈楚楚眉痕最可憐
正是客懷孤迥處琴心三疊澹遙天

題周雲巖_笠蘭韻草堂圖

黃河水闊秋飛雁江南故人不可見
有客新圖寄我題煙蘿一幅鵝溪絹
竹樹蕭疎秋意深流泉彷彿和青琴
寫將唐韻仙家事吟到陔蘭孝子心
飲醇氣味思公瑾凡心懺悔消金粉
奉母長宜潘岳閒玩妻自愛高柔隱
聞君畫筆

學王蒙書法南田字最工筆墨生涯甘澁落牽蘿自惜晚
花紅閨中點筆知尤好畫眉螺黛煙鬟掃比肩夫婦問誰
多蓮花莊外鷗波曉門對皋橋舊草堂伯鸞風骨最昂藏
綠陰一角紅闌影想見商量寫夕陽我生清夢託菰蘆水
曲梅花一萬株逕擬全家作漁隱乞君爲寫第三圖

題雪夢圖爲萬廉山作

玉笙吹春夜天碧片片飛英動香雪冷月照花花氣寒夢
入空山凍雲裂縞衣仙子月下來月痕花影相徘徊翠羽
無聲啄寒玉暗香入水微波迴我昔夢作羅浮吟仙鬢一
笑梅花林四百峯頭夜吹蓬海濤捲雪滄浪音又嘗夢作
玉天謠玉天縹緲紅牆遙花鬢玉齒粲然笑落花如雪香

如潮花霧濛濛溼衣重四壁花光寒不動一片平生冰雪
心與君同作梅花夢

題查丙唐黃葉林中自著書圖

馬卿枚叔兼才少不負千秋在此生抵得功名上麟閣滿
林黃葉著書成

議成海運訂河渠我亦年來欲著書四面青山隱黃葉故
鄉何處好田廬

題趙北嵐臘日遊焦山卷子用東坡遊孤山韻

謫南海官西湖蘇公豪氣今所無玉帶畱鎮衲衣換妙高
臺上同歡呼浮生所累惟妻孥何人得似公嬉娛使君夙
抱山水癖墨綬偶向江南紆焦山人云焦先廬一螺海角

松寥孤或云譙山古設戍

杜佑通典京口有譙山戍太平寰宇記亦以譙山爲戍海口之

山嘉定鎮江志江淹焦山詩舊本作譙山是北宋以前名譙山也

戍樓殘址埋菰蒲吾輩

識字耕田夫一官落拓忘朝哺羨君宦海得佳趣雅遊兼有名流圖展卷三復感有餘莊生夢蝶心遽遽徑思梅鶴從林逋不然雙鼎從君摹

金陵孫雨邨茂才以尊人春雨樓圖索詩感書二絕

茂才故人蓮水子也

七字吟成劇可憐隨園弟子幾人傳一燈閒話春山雨往事琅嬛又十年

當年海內稱龍尾今日江東有鳳毛讀到西州腸斷句不禁雙鬢首重搔

題青浦高蒙泉明經

培源

江海扼隘圖

江海交關處東南此一門銅沙亘天塹蓼角抱雲根籌筆
人千古譚兵酒一尊吳淞勞久戍辛苦暮雲昏

余有撤吳淞戍兵之議

轉粟艱難甚黃流亘漕渠斯人懷偉略海運有新書碣石

雲帆遠成山石梗疏當年三策在期子論儲胥

君有海運備采一書

所言與余議合

題蔣伯申大令任城朝雨圖卽送至山左

微雨連朝惜別情渭城唱後又任城畫中好寫青青柳中
有陽關第四聲

夜雨銅街聽可憐舊家往事總如煙渭城曲子何戡唱我

別江湖也十年

二千里外題襟處十六年前判袂初
翦燭更題數行字抵他別後幾封書

題孫子瀟太史雙紅豆圖

關干十二月初三瓔珞團香禮畫龕
一樣妙音天上女化爲紅豆滿江南

供養羣仙事本難香林吹月墮冰紈
人間天上相思種當作旃檀寶樹看

秋棠幽靚早梅疎花影迷離事有無
春水微波晚雲碧尙湖原是玉孌湖

十八雲鬟映綺櫳琴河流水照驚鴻
記從花史圖中見一

樣嬋娟冠蕊宮

玉杯春暖尙湖花花葉題詩記歲華
紅豆山莊紅豆樹虞山本事屬君家

鳳城天遠碧雲橫石上三生舊姓名
我憶華鬢參慧業蕊蘭兩字最分明

李筍香春渚曉吟圖

垂楊枝上鶯無語萬樹桃花溼春雨
綠波可畫不可名中有春人坐春渚
春人者誰李青蓮修髯玉貌仙乎仙
破曉尋詩踏花去竹陰綠瀉池中天
芳榭微波迴一曲十二畫闌紅隔竹
露華倒影曉鏡明桃花自紅波自綠
綠波渺渺流相思我今破曉來尋詩
仙鶴無聲綠陰重猶見小紅開

一枝

題李筍香紅雨樓圖

一院春雲抱檻四圍環水通舟是我舊曾遊處萬桃花裏
紅樓

翠鳥靜窺書幌白鷗閒傍琴臺更有一雙仙鶴慣看花落
花開

竹裏明妝笑淺酒邊微語香溫每到桃花時節憶他桃葉
桃根

索句雲藍袖滿題詩杏子衫單更乞丹青著意綠波池上
闌干

吾園水榭上題青山瘡慮畫卷

遠水鱗鱗澹碧空晚煙銷盡見芙蓉隔江一髮青如許知
是橫雲第幾峯

鏡裏吳霜點鬢絲勞勞蹤蹟久天涯名場宦海都辛苦難
得青山澹處時

畫中丰采羨神仙海上青山隔暮煙澹到雲閒水天碧高
懷應譜玉琴絃

紅雨樓頭畫押垂綠波池上鶯聲遲黛痕更比春山好乞
與屏風譜十眉

疎林幽澗藉莎聽山向吾曹分外青我亦西溪舊漁隱水
窗終日對秦亭

題春江花月夜卷子

晚潮初落水微波紅袖青衫載酒過一曲春江花月意夜
關吹入蘧聲多

聞道吳宮第一枝柔情曾綰柳絲絲月明花靜空江夜中
有蕭郎本事詩

桃葉歌成事可哀惜花心事抵憐才玉關歸客風流甚曾
乞嬋娟捧硯來

卷中有
雅存詩

題襟畫舫倚蘭橈翦燭紅樓泥玉簫我亦江南腸斷客不
堪重憶可憐宵

王井叔石湖漁莊畫卷

何事耽漁隱全家入畫圖蘆中敦孝友鷗外樂唐虞嗟我
久爲客懷歸感故吾一庵秋雪在清夢落菰蒲

題徐嬾雲今宵酒醒圖

相思祇合寄吳天別緒離悰總惘然行慣曉風殘月路一
生低首柳屯田

珍重雙心賦玉簫濃歡如夢未能消有人燭炧香殘夜不
憶今宵憶昨宵

生平有味是溫柔悵悵年華去水流最憶前宵臨別處
雲微月素春樓

題改七薌少年聽雨圖

鈿笛吹殘酒易醒春寒料峭泥羅屏沉沉良夜瀟瀟雨未
可無人擁髻聽

繡被香溫最可憐玉臺春色寫嬋娟海紅瀟碧遊仙夢回

首人生幾少年

泥金雙帶寫溫存我已中年感夢痕
題到江南腸斷句小樓聽雨更銷魂

題張吟樓六浮閣看梅冊

六浮閣在銅坑菖蒲潭之西觀梅之勝云頗勝鄧尉香雪海也

頻年吳苑攜琴住未向銅坑載鶴遊
今夕讀詩兼讀畫一簾疎影夢羅浮

孫綽林逋吾舊識春山結伴話春寒
菖蒲潭畔東西路何

日從君踏雪看

同遊者孫子藩林遠舉故云

題雲間沈綺雲靜好樓圖

一代才人沈下賢
比肩夫婦在雲間
寫生文淑畱真本
嘉善曹蘭秀善畫
耽隱高柔玩玉顏
翰墨能令琴瑟好
畫圖如見珮環間
綠筠影裏紅樓角
樓外黛痕無數山

又題柳東雙載圖

一枝柔櫓蕩斜曛
卷幔篷窗漾水紋
倚徧九峯何處好
鏡中眉黛學橫雲

題友積堂瓊樓壁月圖

燭暗香消賦感甄
珍珠密字在羅巾
瓊樓十二秋如水
璧月曾經照兩人

隔斷銀河事有無
夢回冰簟夜涼初
冬郎已老秋孌嫁
天上人間一紙書

花片隨風悟後禪便知各自有姻緣今生憔悴他生遠說
到三生更惘然

不遣微雲綴太清冰輪涼夜靜無聲閒情偶寫遊仙夢君
憶瓊樓我碧城

張弼亭華陰月夜圖

太華橫雲夜深碧一九古月秦時色何人騎馬月中來張
公一生江海客黃河如絲天際流月華暖空河影秋滿天
星斗滿身月蓮花玉女迎雙眸我昔尋秋玉關下十六胡
姬行酒罷夜深月上古長城至今猶憶長城夜

題陸康侯小照

魯望風流玉貌妍畫中人瘦菊花前郭西聽雨城南飲回

首春明已十年

名場宦海兩沉淪畢竟交情我輩真一樣故鄉兼舊雨平
津閣下獨何人

別樣秋懷畫裏傳相思無盡衍波箋生平交誼千金重更
有南歸沈下賢

謂枝三

蘭舫圖

素心誰語白蘋秋人與芳蘭一樣幽我亦西溪學漁隱萬
重花海一扁舟

遠從林屋題紅蕙近憶琅嬛詠紫蘭忽忽夢回十年事叢
殘絹素不勝寒

畫舫停橈紫玉祠樊川夢醒鬢成絲吳娘水閣瀟瀟雨四

面春蘭四壁詩

題周石雲大令風雨聯牀圖

當年坡穎舊齊名又見君家好弟兄官燭花殘春酒美蘭
陵風雨似彭城

我亦荆花種幾株一株零落一扶疎風斜雨細江南岸正
作錢塘寄弟書

題家曼生種榆仙館圖

天上厖厖種白榆春風結子千明珠白光照破青天衢其
下復有仙人居瑤堂雲臥讀道書落英如錢滿地鋪桃花
畱春買玉壺酌以翡翠雙龍觚玉女十八花當壚月中戲
捉金蟾蜍彩箋潑墨雲模糊再拜獻上瑤光樞天地一笑

春爲蘇賜以湯沐花千株紅爐卅六鑄五銖看花飲酒樂
復樂仙之人兮其君乎

碧城三首自題碧城仙夢圖效李玉溪

碧城深處隱紅霞十二闌干屈曲遮神女峯前雲是夢
嫦娥天上月爲家春呼白鳳栽靈藥曉乞青鸞掃落花
小錄名箋知第一詩成親自寫瑤華

吹笙其耐曉寒何清淺蓬萊水又波綃帳三生餘白石
紅牆一抹是銀河閒拋銖珣歌長恨曾曳霓裳詠大羅
最好芙蓉樓畔住玲瓏玉樹總交柯

雲英拜後拜雲翹侍女雙鬟擁絳綃冰縷冷調銀柱
瑟瓊花春放紫屏簫白榆種作相思樹烏鵲填成宛轉橋
一片

飛鸞盡霞采碧天如水易魂銷

將出都門廣陵朱素人寫秋雪漁莊圖見贈題此示
意

此去謀升斗艱難捧檄來勞生銷白學失意感金臺也有
三都賦原非百里才故鄉好煙水何日竟歸來

西湖更西去三五老漁家白水一溪合青山四面遮宜詩
宜飲酒有竹有梅花偕隱生平願扁舟載浣紗

王子卿編修寫登舟高詠圖贈別意以太白相況也
媿不克當因題二絕

酒肆酣眠憶舊遊一官寂寞此扁舟十年落魄長安道去
上青山太白樓

租船申詠達宵分彥道風流不可聞
牛渚年年秋月在南朝誰是謝將軍

自題雲藍索句小影

便非禪悅亦非仙往事從頭卅六年
冷到漚波閒到夢一生祇受美人憐

淋漓殘墨寫生綃畫舫重過四百橋
水閣春寒紅燭冷吳娘低唱雨瀟瀟

紅窗小舫柳絲絲低送春愁笛一枝
記取曉風殘月夜美人拂燭乞題詩

桃葉桃根付玉簫秦淮秋影上寒湖
分明丁字簾前水一片斜陽送六朝

題六弟種梅仙館圖

庚寅舍弟夢中折梅一枝繼舉一子名之曰梅生
竝作此圖索余題句

海山何處一枝橫
冰雪高寒誤玉京
題壁詩成香一國
遊仙夢醒月三更
前身合問邢和璞
他日須爲宋廣平
記得高堂開笑口
兩孫纔隔兩旬生

閱兩旬余亦得小虎故竝及之卽用舊句

呂卿姪香蘅吟館圖

籬下有香蘅
采之每盈把
試問讀離騷
何如箋爾雅
汀洲采白蘋
芳洲生杜若
遙爾吟館中
長伴讀書樂
香草比君子
古人有深意
階前隙地多
春山種蘭蕙
英華發綺歲
絲竹陶中年
明月竹林下
待爾成七賢

讀陰符經書後

世間何者爲素書我意其說卽陰符古來言兵始黃帝老氏乃復精于虛功成不退讓立致昔人解此惟陶朱畱侯功豈范蠡下辟穀聊以全其軀兵家之祖道家出世人目論空言儒神仙之說託辭耳秦皇漢武何其愚君看孫子十三篇亦本道德五千言

揚州文選樓讀杜牧樊川集書後

書記才名重戟門揚州花月總消魂杜惛作相樊川老誰向遺書讀罪言

竹西歌吹弔羅裘依舊蛾眉月二分勝地從來要才子揚州今日屬司勳

編 國朝人詩爲遠遊集已得十家各題一絕

西風吹夢入邊笳一唱刀鐃髻已華長白山高江水黑勞
君萬里賦龍沙

吳漢槎秋笳集

驃騎營空碧血涼金江東下恨猶長江南七子才無敵蠻
府參軍是國殤

趙璞函農部姬隅集

上蘭行獵短衣隨邊月宵明翠鳳旗一自琵琶傳唱後弓
衣都織舍人詩

張瘦銅舍人熱河集

曾經滄海難爲水此客風情亦太豪惆悵中山四公子親
從海外聽雲璈

王夢樓太守海天集

雪城冰棧共崔嵬萬里懸軍鳥道迴誰似白頭孫相國月
中三渡藏江來

孫文靖公藏江集

玉帳河魁動將星遠從竺國奠金瓶昆侖已過河源小淨

掃天山自勒銘

楊荔裳方伯青海集

雷雪光中識陣雲殘碣處處踏峻嶒五湖歸計漁蓑好身

是凌烟閣上人

王述庵司寇金川集

效忠何必屬言官百日君恩便賜環愁絕中原一杯酒

玉門關外別天山

洪稚存太史西域集

鴨綠江寒問首塗中朝卿士重韓蘇烏絲新刻停雲帖東

國聲詩有此無

英煦齋宮保海東集

首里笙歌姑米舟停雲舊迹問高樓一篇海外三山賦傳

寫知應徧十洲

李墨莊中翰仙槎集

題東坡楚頌帖墨蹟舊爲畢秋帆尙書所藏

赤壁吹簫夜月明
九疑如黛弔湘靈
使君大有離騷意
夢憶黃州楚頌亭

清容眞鑒定何如
懷古風流世已虛
畱得蘇家殘墨在
祇今人說畢尙書

題太白山人詩集

聲名滿江海蹤跡托湖山
遺集今猶在高風不可攀
山中松韻古海上月華閒
欲訪歸雲處孤飛鶴未還

題計改亭集

半壁江山送晚潮
千秋形勝未全消
一編高議籌邊策
掃盡南朝壓六朝

集中有籌南論四篇

花月滄桑酒一杯
文人短氣劇堪哀
罪言原衛都零落
誰

識樊川杜牧才

題法梧門吳蘭雪遊翠微山倡和詩後

春明門外路西指翠微山暮雨入煙碧秋霜著樹殷詩壇

千首富塵海兩人閒清絕月華句長吟憶玉顏

蘭雪有句云月華有

露亦有霜月氣非烟亦非水

讀吳蕲皋讀書樓遺集有見寄團扇篇感題二絕

白楊蕭槭叫鴝鵒似爾才人一哭休畱得錦囊殘墨在鐙

花紅瘦讀書樓

枉將湖海說元龍雜體詩成句未工十載青衫憔悴甚篋

中國扇感秋風

讀張壽穀大令澍續黔書卽寄

君是淮南客能成鴻烈書搜奇卽山海博物到蟲魚路失才難用官卑氣不舒涼州空美酒跌宕定何如

君武威人

袁江寓舍題岱覽贈唐陶山刺史

仲冕

昔年遇君吳閶城小庭寓鶴來相迎今年遇君清江浦徧地哀鴻自相語防秋正誦河渠書一函遠寄還啓予萬古蒼翠忽在眼盪胸便欲凌空虛日觀高揭天門秋茲山絕頂吾曾遊養雲軒中岸幘坐黃河一綫東南流君書攬勝兼訂誤圖中彷彿曾經路就中何處最盤桓青帝宮庭老松樹君書志岱兼志陶東崦西崦紅杏苞挂鐙巖前丙舍在慈氏坵壠窪然高君學綜博通經史讀書用世良有以君性醇篤徹終始行役愼旃歌陟屺江淮士女望神君岱

麓遺民思孝子把臂迴頭十載前須臾漸覺蒼然矣展君
書爲君讀君才槃槃復嶽嶽叔孫定律匡訟詩五鹿誰能
折其角卽今黃流改道已有形御筆作記迴滄溟海門
東指雲峰碧更擬從君注水經

方有改海道之議故云

題孫蓮水春雨樓詩後

歌舞江山筆一枝揚州夢醒鬢成絲生平未見倉山叟絕
代風流亦我師

佳句如香洵可熏頻題花葉寄朝雲自從春雨吟成後每
聽瀟瀟便憶君

從浣笥假黎簡民五百四峯草堂詩集剪燭讀之因

題一首

論詩三十家歷數缺其一屈指更何人異才不世出昔讀
黎侯詩紀在靈芬室天風吹行雲一卷誦未畢字字出華
嚴心折此才逸念念恒在茲忽忽若有失偶過萬子居意
外見此帙借書亦一痴終夕燭花苗清越太華鐘靜穆清
廟瑟險語鬼神駭奇氣風雲叱所見勝所聞生氣殊拂拂
近世論詩品吾意重百粵天上謫仙人第一翁山屈冰雪
爲心胸雲霞爲體質離騷與變雅於古亦鮮匹海雪老羈
人抱琴吹綠髮赤雅譜詭異銅柱弔突兀一唱洞庭霞秋
聲響林樾全豹吾未窺一斑心已怵豈知百年後世復有
此筆得毋五百峯間氣鍾衡泌羅浮萬梅花香氣共鬱勃
想見苦吟處秋燈支瘦骨奇境出內心傳世定可必學詩

吾願久源流亦少悉博大杜陵聖精嚴賈島佛近頗樂白
蘇仙藥譬芝朮別有會心在迷津得寶筏醞釀造平澹毛
髓經洗伐學至乃自知未許悟倉卒縱論有名理不在詞
華溢惜未識君面往復抒七發仰視天無雲秋空澹華月

題李繡子著花庵詩

揮手金門作謫仙人間又見李青蓮十聯甲乙排珠字一
片宮商動玉弦海濶雲高秋浩蕩月明花靜夜嬋娟嶺南
代有詩人出更領風騷五百年

題鄭楓人觀察玉鉤詞

金荃蘭畹豔烏絲譜出揚州絕妙辭從此珠簾二分月銀
箏都按鄭家詞

綠楊城郭曉啼鴉問訊紅橋賣酒家惆悵草堂遺址在渡
江曾訪玉鈎斜

紫玉香消葬斷紅幽花寒雨弔吳宮風流誰似微雲壻比

著秦家語更工

謂竹友

秋夜聽雨讀錢謝菴吏部齋心草堂遺詩因懷令弟

東生太史粵東松壺瀨上

夜雨滴秋響起讀先生詩曠若月一林澹若水一池發源
岑嘉州歸墟韋左司湖山有清氣得此絕妙詞浙派數樊
榭意竊謂過之舊遊憶京輦墨瀋題烏絲一棺寄山阿爲
君重泉悲宦海感寥落朱顏非故姿令弟才亦好倡和同
墳簞太史嶺海去手折珊瑚枝玉堂對金鑾舊夢應相思

松壺客瀨上鶴羽何離離畫鰲幸不俗冰雪成珠璣懷人
不成寐涼氣生秋衣雨止殘月出林杪清光微

題吳兼山紅雪山房詩集卽送之東河

十年客春明跌蕩互詩酒我量無三升君才可一斗燕鴈
東西飛離合寅及酉燕臺送君處蘇臺重握手君昔事戎
幕來往虎狼藪劍外雪阪折馬頭雲棧陡參軍盾磨鼻諸
將楊生肘殺賊草露布誰出修期右先臣死勤事報國期
不負尙書持節來從事盡華綬幕府盛俊彥才筆君無偶
借箸策時事十可得八九劍鋒歛鏌鋦玉德潤瓊玖微言
屢解紛立意歸深厚惟昔應劉輩各有詩千首騷壇與酒
國一一記誰某君才最敏捷銅鉢響頻扣筆端花月哀腕

下風雲走君今遠行邁又折閭門柳河東君舊治了了在
心口水經隄防多禹貢運道久河漕關國脈建立貴不朽
好抒賈讓策兼令康絢守山以深有容海以虛能受水寬
樂魴鯉蔭密依馥馥所期早歸來尙湖足菱藕官途我苦
辛蓬髯傷老醜胸有厦萬間家無田一畝羈官感弟兄艱
難仗朋友浩蕩羨白鷗變態玩蒼狗偕俗師曼倩齊物悟
莊叟何日賦遂初灌園汲冢名園秋餞別涼風生戶牖
剪燭話銅街雲雨散先後青門故侯瓜此意殊可取相約
漁父漁不然耦耕耦送君還自易誰享千金帚

書樊村晉書南北史樂府後

香山才調西涯筆見爾陰成每夜殘十八家書南北史分

明作論與人看

悲歌慷慨幾番聽
酒冷燈殘夢易醒
便合喚君蕭樂府
江南風雪唱旗亭

題湯點山少府棲飲草堂集

一卷懷清集
寒吟屢翦燈
孤高眞孟尉
蹤跡亦崔丞
獨夜悲飢溺
中年感友朋
憐余共塵海
未敢興飛騰

題王井叔

嘉祿

茂才碧梧館詩後

驂驪逸足籊風雲
卓犖名場此絕塵
枚叔文章名父子
杜陵哀怨古騷人
好收奇氣歸經史
莫縱高歌泣鬼神
珍重治安三策在
賈生才調最無倫

讀沈芷生集兼哀亡弟壽蘇卽書紅蕉館遺詩後

五銖衣薄羅雲裁瑤天月白瓊花開青蓮不作長吉死人
間仙鬼皆凡才伊人翩然下塵世隨風吐咳生瓊瑰偶托
豔情寫奇抱陳思羅襪溫岐鞋忽焉蟬蛻一朝逝亭亭玉
樹臨春埋得毋驂鸞駟虬遊蓬萊或尋玉女登天台不然
緋衣勸駕樂不苦天上復有新樓臺造物與才不與壽悠
悠蒼天何爲哉吾家阿連亦如此鮑家鬼唱秋墳哀紅蕉
斷楮拾不盡半與羅綺成飛灰吾將叩闥一問之空中雲
氣森崔嵬千門萬戶迷瑤階虎豹守關不可排讀君之詩
心徘徊紙上颯颯悲風來

題錢籀石侍郎藍筆畫蘭是分校禮闈所作

長水侍郎老詞伯勁筆藏稜圖竹石五十年前蕙一叢花

葉娟娟天水碧鏤開三月春畫長名材搜盡寫國香飲墨
人多出藍少知君古意懷孤芳詠花誰是如花者從古才
人科目寡君不見琅邪公子最瀟灑郭泰彭錢更舒雅結
綱中原失麟鳳鑄銅闔闔遺天馬卷中題者王鐵夫舒鐵雲兩孝廉頻年入長安
未捷禮闈郭頻迦彭甘亭并未登鄉薦數君皆海內有數才也回首長安踏軟紅憔悴蛾
眉感悲吒空山各自愛孤芳秋心聊託青琴寫

蕉園方伯指頭畫蜨團扇

春深薇館綠陰妍團扇明明璧月圓不寫鴛鴦寫胡蜨爲
他風度似神仙

上苑春深接翼飛相看身染御香歸玉階花氣龍池露染
上冰綃一品衣

元嬰粉本我曾諳翠鞦紅酣寫兩三爭似春風現彈指萬
花仙露滿江南

五色文章麗孔鸞羅浮花首憶瑤壇太常仙侶前身是莫
作莊生夢裏看

伯治畫京口三山作長卷子爲題第一江山四字系
之以詩

青山如畫鬱蒼蒼東下江聲走夕陽祇有雲颿辨吳楚更
無戍壘問齊梁飄來落葉前朝寺洗盡泥沙古戰場瓜步
鐘聲秣陵樹可容著眼認微茫

萬里江天接沅寥多君著意點生綃赤烏殘碣前三國白
馬滄波後六朝鍊甕至今沉夜月石城依舊上寒潮闌干

絕頂登臨處一掬千秋淚不消

從來名蹟要名流第一江山待勝遊
海嶽庵深枯樹老妙高臺迥暮雲秋
定應紀夢尋三島別有奇峯見五州
兩點金焦終古在春濤囘岸不鐫愁

十年手版溷江東宦海浮沉歎轉蓬
驛樹送殘閒歲月浪花淘盡幾英雄
參差樓閣殘霞外金碧林巒細雨中
乞補蕭疎圖畫裏一鷗冷看海天空

題周雲巖百花橫卷

一年花事月十二一春花信風廿四
一花謝後一花開辛苦天工勞位置
春蘭秋菊不同候娥眉邢尹如相避
隋宮翦綵唐宮詔顛倒春秋聊示異
雲巖畫筆古周昉閒坐晴

窗忒墨戲身從衆香國裏來品向羣芳譜中植枝枝婀娜
帶風露葉葉翩反弄紅翠屏障但見繁枝開齒溷曾無落
英墜主者舊領芙蓉城頭銜新署鴛鴦寺我思選花如選
色矮嬌媚姪各殊致吳門嬌女顏如花自古江南佳麗地
環肥燕瘦各有態目迷五色疇能記芳蘭之品牡丹艷國
色國香兼不易我所思今在京洛蘅夢題襟墨痕漬玩眉
竟日對漚波聊慰生平種花意煩君一翦寫寒玉羅襪凌
波洛神麗

祝二如畫梅花障子歌

數椽茆屋依馬塍廣平一賦題吳綾年年春風肯相負孤
山殘雪西溪冰自別家山走京洛烏帽黃塵顏面俗故園

花事付閒鷗七十二峯夢中緣二如工畫梅人亦如梅花
贈我雙冰紈寫此萼綠華紅羅玉照兩奇絕屏山臥對枝
橫斜客言梅花如高士高臥雪中呼不起祇將瘦骨斲松
筠肯作春容媚桃李我言梅花如美人艷粧素面皆出塵
縞衣獨立碧雲暮玉顏一笑空山春長安富貴春光早銀
燈紅照唐花好賴爾天涯慰素心銅鑊橫吹寫孤抱翠羽
羅浮願未虛四山香雪月輪孤何當翦取吳淞水乞寫元
章萬玉圖

題畫

竹西一縷颺茶烟蘋葉如花點點圓不買春山買秋水一
生長對白鷗眠

題天台桃源圖

一笑風前玉女迎。幾時鴛牒注分明。壻鄉祇有天台好。飽喫胡麻過一生。

底事當年易別離。白雲流水斷相思。世間儘有分離苦。不作神仙不得知。

紅鯉青鸞總渺茫。瓊臺明月雪衣涼。昨宵夢聽桃花語。不信劉郎勝阮郎。

正月廿七日春蘿過余桂葉書堂爲寫虞山劍門畫幀詩以紀事

春寒如水春陰濃。雨絲料峭吹簾櫳。纖簾先生雅好事。潑墨寫此青芙蓉。我昔與君蠟雨屐。修蛇側逕盤孤峰。奇石

半墜駭猿狖枯藤倒掛騰蛟龍長劍快作巨靈擘洞門不
閉雲蓬蓬坐飮山翠納湖綠別來經歲心熾熾眼前忽見
舊遊處彷彿二客來相從東風吹鬚又數日山色定已含
青葱維摩梅花開幾樹復道香雪春濛濛何由與君更攜
手重踏行跡披蒙茸君別琴河去鏡水越中大好春山重
雲門蘭亭未走探得毋負此雙玉筇君言山色此間好朝
暉夕靄浮虛空不見倪黃老手舊粉本折帶皴法烟雲工
圖成四座各驚詫疑有拂水盤雲松窗外雨聲又釀雪酒
邊照取春燈紅

題羅小峰畫梅

雲梯關下禹王祠曾憶春前折一枝正是百花生日近碧

雲如海月生遲

香葉堂空黯綠苔
兩峰歸去鶴還來
今年新見羅家畫
滿地繁英寫落梅

吾園池上口占索七薌畫

十年憔悴賦楊枝
虛說微之與牧之
今日銷魂新水榭
醉圍紅袖寫烏絲
聽雨高樓夢玉壺
龍眠畫筆重東吳
并刀欲翦吳淞水
乞寫雲藍索句圖

題玉壺山人畫

羅衣涼薄耐溫存
小院迴廊靜掩門
一片玉蓮花外雨
水精簾底最消魂

冰簟涼生午夢遲小顰心事付蛾眉枕函一卷紅蕉集應
有香簌本事詩

坡老多情笑口開更將禪偈寄仙才畫師領取髯翁意願
得朝雲小影來

艷如春雪映明霞有客題詩感夢華我亦年來刪綺語譬
如閒看牡丹花

題宮怨圖

風疎銀漢雁聲來雨暗長門長綠苔忽捲珠簾花影動一
彎眉月上宮槐

錢恕堂刺史招集柳陰小舫觀南樓老人畫幅

寶翰親揮侍帝臺玉音問答石渠開偶因一幅南樓筆閒

話昇平君相來

百年絹素認裝池
魏紫姚黃見一枝
畫裏玉堂春似海
居然看到子孫時

青溪小妹微雲堦
人說鴛湖太傅家
乞取丹青家法在
萬

橫香雪玉梅花

君女弟九英夫人蒯鏡厓司馬之室善畫梅得南樓老人家法

雪泥鴻爪亦前緣
來日輕帆渡海旋
記取晚涼疎柳下
海門秋夜月如弦

代琅嬛中丞題弇山尙書姬人張絢霞璇閨織素圖
雲錦機絲五色新
本來織女是星辰
尙書經緯千秋重
更有深閨織素人

敬姜勤儉說家風
長日如年課女紅
春到靈巖山館裏
綠

顰畫靜讀幽風

保直瑤階彙筆行狀元風度冠蓬瀛名香薰得朝衣暖知
是金梭手織成

紅閨初過飼蠶時軋軋機聲侍女知卻待季蘭傳杼軸更
從孔壁聽金絲

題張筠如女史畫冊兼贈喬五香岑

第五才名第一流紅閨畫史更溫柔我來乞取生花筆好

伴琴河韞玉樓

謂屈
宛仙

蕊宮花史吾曾見又向雲間識大家寫徧江南衆芳影出
羣終讓牡丹花

紅腮都解寫花枝姊妹才名海內知說與吾家小兒女翦

燈都與賦新詩

仙郎文采號多才解畫雙蛾伴玉臺軟繡天街曲江苑煩
君多寫杏花來

題吳興女士譚韻蓮韻梅聯吟圖

姊妹花枝顧影嬌扁舟碧浪送春潮昨從院體丹青見便
是東吳大小喬

曾讀雙聲絕妙詞簪花書法惜花詩年來不稱吳綾繡珍

重璇機五色絲

庚申歲予在武林兩女士郵詩相質後以詩來謝有買絲欲繡之語故云

琴清閣與生香館一樣嬋娟一樣才我是南朝徐孝穆玉
臺一序寫徘徊

朱蘭貞女史畫杏花燕子爲椒堂武部題

碎錦坊南見幾枝江南二月燕來時分明一幅泥金帖院
體丹青宮體詩

武部才名徹禁中玉顏小妹寫春風銅街老我聽春雨
消受年年賦落紅

麝月凝香學寫生折枝小幅熨吳綾一家都擅雙鉤筆不
羨蘭陵說惺忪

五載黃塵狎酒壚漁莊烟景恐荒蕪援琴一賦思歸引乞
寫蘆塘放鴨圖

題金雲門女史

禮麻

畫謝芳姿秋風團扇圖

井梧葉落商聲急羅衣單薄輕寒襲白團扇底咽秋心闌
千玉筯蛾眉泣蛾眉絕代謝芳姿少長侯家作侍兒修到

紅顏嗟薄命密香辛苦伴瑤池小郎風調人間少參軍新
婦姻緣好打鴨驚鴛各自飛從來多事憎邱嫂惆悵芳華
怨奈何盈盈小海唱迴波訴將花下流離意贏得風前憔悴
歌流離憔悴羞相見春羅深掩芙蓉面低窺珠箔認雕
梁雙栖空羨盧家燕六朝遺恨半朱門舊巷烏衣繫夢魂
天壤有人吟柳絮空江何處覓桃根此事豈容相決絕阮
家人種尤堪惜何須書法笑羊欣婢學夫人亦良得此扇
由來號合歡願教璧月與團團玉臺雙照溫郎鏡紅尾同
驂秦女鸞琅邪才子江南客賃廡臯橋聊寄跡碧水新開
謝女祠青山仍傍王郎宅彷彿冰紈滴淚紅美人有意寫
秋風願勞檢點氤氲簿莫學班姬怨漢宮

韻香畫蘭

雙修福慧悟前因一種幽芳祇自春
憶向魚山聽仙梵拈花親見畫蘭人

文殊眉淺顰華單珍重香螺試一丸
精舍香銷花雨靜畫蘭人本氣如蘭

爲竹士題花月冊子

蘭修窈窕一雙人各有前生禮玉晨
惆悵四禪天上事卻教月姊避花神

靈簫墨會感前因北燭仙才錄秘辛
若使玉顏生竝世不知誰是尹夫人

捲幔青綾識大家羅浮曾拜玉梅花
霓裳舞散青鸞去未

許曾城見麗華

題畫

偷閒自寫牽蘿意飛絮空園日易斜一幅瀟湘秋夢影倚

來翠袖是朱家

馬湘蘭竹

春雨秦淮水上舟一枝紅影上眉樓東風不結相思子寫

得桃花當寫愁

顧橫波桃花

題許玉年悼亡詩後

回頭短夢忽成塵紅瘦雕闌草不春怕讀才人斷腸句年

年三月十三辰

新鐫小記墨痕殘花雪蘭霜葬采鸞昨向仙姑山畔過玉

泉微雨落花寒

美人曼壽事難期香澹芙蓉第一枝愁絕鏡臺摹小影
姍姍微步見來遲

題潘春泉

曾沂

西湖秋柳詩後

第一樓頭月上弦第三橋外雨如煙晚鴉歸去踈鐘起我
別西泠又十年

芳樹臨風舞袖長飛花吹滿綺羅香多情誰似潘秋柳露
葉煙條詠夕陽

頤道堂詩外集卷五